



Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

Broj: 06-11-782-9.7/24
Sarajevo, 14.10.2024. godine

Na osnovu čl. 69. stav (1) tačka a) i 70. st. (1), (3) i (6) Zakona o javnim nabavkama ("Službeni glasnik BiH" br. 39/14, 59/22 i 50/24), člana 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH" broj: 103/14), na Preporuku Komisije za nabavku, broj: 06-11-782-6.7/24 od 14.10.2024. godine, u postupku javne nabavke roba: "Interventna i sigurnosna oprema" za LOT 7 Uniforme za Gorsku službu spašavanja, direktor Kantonalne uprave civilne zaštite Kantona Sarajevo *donosi*

ODLUKU
o izboru najpovoljnijeg ponuđača

Član 1.

Prihvata se Preporuka Komisije za javnu nabavku, broj: 06-11-782-6.7/24 od 14.10.2024. godine i ugovor o nabavci roba u postupku javne nabavke roba: "Interventna i sigurnosna oprema" za LOT 7 Uniforme za Gorsku službu spašavanja, dodjeljuje se izabranom ponuđaču AQUABALKAN d.o.o., ul. Kanjina do br.1, 88 400 Konjic, prema ponudi broj: 610/2024 od 30.09.2024. godine, za ponudenu cijenu u iznosu od 172.620,00 KM bez PDV-a, kao najpovoljnijem ponuđaču.

Član 2.

Izabrani ponuđač je dužan dostaviti original ili ovjerenu kopiju dokumenata iz člana 45. stav (1) tačka a) do d) Zakona o javnim nabavkama ("Službeni glasnik BiH" br. 39/14, 59/22 i 50/24) u roku od 5 (slovima: pet) dana, računajući od dana kada je obaviješten o izboru najpovoljnije ponude, ukoliko isti nisu dostavljeni uz ponudu i to na način i u formi kako je zahtijevano tenderskom dokumentacijom za predmetni postupak javne nabavke.

Član 3.

Prijedlog ugovora o nabavci dostavit će se na potpis izabranom ponuđaču nakon isteka roka od 10 (slovima: deset) dana, računajući od dana kada je ponuđač obaviješten o izboru najpovoljnije ponude.

Član 4.

Ova odluka će se objaviti, u skladu sa članom 70. stav (6) Zakona o javnim nabavkama ("Službeni glasnik BiH" br. 39/14, 59/22 i 50/24), na web stranici Kantonalne uprave civilne zaštite Kantona Sarajevo (www.kucz.ks.gov.ba) i istovremeno će se uputiti ponuđaču koji je učestvovao u ovom postupku javne nabavke.

Član 5.

Za realizaciju ove odluke zadužuje se Sektor za materijalno-finansijske poslove Kantonalne uprave civilne zaštite Kantona Sarajevo i Ministarstvo finansija, da izvrši prijenos sredstava po naredbi Kantonalne uprave civilne zaštite Kantona Sarajevo, u skladu sa planom budžeta Kantona Sarajevo.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: 06-11-782/24 od 05.08.2024. godine.

Predmetni postupak nabavke je proveden putem otvorenog postupka javne nabavke podijeljen u devet LOT-ova.

Procijenjena vrijednost javne nabavke roba: "Interventna i sigurnosna oprema" za LOT 7 Uniforme za Gorsku službu spašavanja je do 172.630,00 KM (bez uključenog PDV-a).

Komisija za nabavku je imenovana Odlukom, broj: 06-11-782-1/24 od 07.08.2024. godine.

Obavještenje o nabavci, broj: 282-1-1-93-3-57/24, objavljeno je dana 23.08.2024. godine na Portalu javnih nabavki, kao i tenderska dokumentacija.

U roku utvrđenom za prijem ponuda zaprimljena je jedna ponuda za LOT 7 Uniforme za Gorsku službu spašavanja, a nije bilo ponuda zaprimljenih nakon isteka roka za prijem ponuda.

Na sjednici Komisije održanoj dana 09.10.2024. godine, Komisija je imala nejasnoće u vezi sa potvrdama o uspješno realizovanim ugovorima, a koje je ponuđač AQUABALKAN d.o.o. Konjic dostavio u svojoj ponudi, broj: 610/2024 od 30.09.2024. godine da li se neke od dostavljenih potvrda odnose na zahtjev tražen tačkom 3.3. Tehnička i profesionalna sposobnost – čl. 49. ZJN podtačka a), u dijelu koji se odnosi na zahtjev, kako slijedi: „**koji se odnose na nabavku lične zaštitne alpinističke opreme**“.

Naime, pregledom i ocjenom dostavljene ponude, članovima Komisije nije u potpunosti i bez svake sumnje jasno da li se predmeti ugovora za koje je ponuđač AQUABALKAN d.o.o. Konjic dostavio potvrde o uspješnoj realizaciji odnose na ličnu zaštitnu alpinističku opremu, a što je bio zahtjev.

S tim u vezi, dana 11.10.2024. godine, aktom, broj: 06-11-782-4.7/24, zatraženo je od ponuđača pojašnjenje dokumentacije iz ponude, gdje je ponuđač dana 14.10.2024. godine dostavio fakture kao odgovor na zahtjev za pojašnjenje.

Na sjednici Komisije, održanoj dana 14.10.2024. godine, Komisija je razmotrila dostavljeno pojašnjenje, gdje je utvrdila da je ponuđač u roku propisanim ZJN dostavio traženo pojašnjenje. Navedenim pojašnjenjem, Komisija utvrdila da su otklonjene nejasnoće, odnosno da su dostavljene potvrde ispunjavaju sve zahtjeve iz 3.3. Tehnička i profesionalna sposobnost – čl. 49. ZJN podtačka a), te je s tim u vezi utvrđeno da su dostavljene ponuda prihvatljive i sa tog aspekta.

S tim u vezi, Komisija za nabavku je dana 17.10.2024. godine dostavila direktoru Kantonalne uprave civilne zaštite Zapisnik o pregledu i ocjeni ponuda, broj: 06-11-782-5.7/24 od 09.10.2024. godine, Preporuku o izboru najpovoljnijeg ponuđača, broj: 06-11-782-6.7/24 od 14.10.2024. godine i Izvještaj o provedenom postupku javne nabavke, broj: 06-11-782-7.7/24 od 14.10.2024. godine.

Na osnovu dostavljenog Izvještaja o provedenom postupku javne nabavke roba: "Interventna i sigurnosna oprema" za LOT 7 Uniforme za Gorsku službu spašavanja, utvrđeno je da u predmetnom postupku javne nabavke roba dostavljena ponuda ponuđača AQUABALKAN d.o.o. Konjic prihvatljiva, a koja je ujedno i jedina dostavljena ponuda.

Direktor Kantonalne uprave civilne zaštite Kantona Sarajevo nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija za nabavku u svemu pravilno postupila, te da je Preporuka o izboru najpovoljnijeg ponuđača data u skladu sa odredbama ZJN, podzakonskim i općim aktima.

Shodno navedenom, primjenom člana 69. stav (1) tačka a), člana 70. st. (1), (3) i (6) ZJN, te člana 8. stav (2) tačka d) Pravilnika o uspostavljanju i radu Komisije za nabavke, odlučeno je kao u dispozitivu ove odluke.

Pouka o pravnom lijeku:

Protiv ove odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa, kao prvostepenog organa i to na način propisan odredbama člana 99. ZJN. Ugovorni organ će postupiti po žalbi na način propisan odredbama člana 100. ZJN.

Dostaviti:

1. Sektoru za materijalno-finansijske poslove KUCZ KS,
2. AQUABALKAN d.o.o., ul. Kanjina do br.1, 88 400 Konjic,
3. www.kucz.ks.gov.ba,
4. a/a.

